

ՄԵԼԿ

Տարեկան գինը 10 ռուբլի, կես տարվանը 6 ռուբլի
Առանձին համարները 5 կոպեկով:

Թիֆլիսում գրվում են միմյուր խմբագրատան մէջ:

(Մտարաքաղաքացիք գիտում են ուղղակի
Тифлис. Редакция „Мелк“

Խմբագրատունը բաց է առաւօտեան 10—2 ժամ
(հացի կիրակի և տօն օրերից)

Հայտարարութիւն ընդունվում է ամեն լեզուով:

Հայտարարութիւնների համար վճարում են
խաբանչիւր բառին 2 կոպեկ:

ԲՈՎԱՆԳԱՌԻԹԻՒՆ

Երբ հրդեհները—նեքերն տեսու թիւն,
Համակ Շուշուց, Համակ Շամախուց, Համակ
Բաղուց, Համակ Խոնազուրին, Երբն լուրերը—
Արտաքին տեսու թիւն, Թիւրքիա, Յունաստան,
Աւստրո-Սլոնգրիա—Վալակի հեռագրները:
— Բայտարարութիւնները — Բանասիրական,
Խնամք:

ՄԵՐ ՀՐԴԵՂՆԵՐԸ

Թիֆլիսում աւելի և աւելի յա-
ճախ կրկնվող հրդեհները, կաս-
կած յարուցանելով հասարակու-
թեան մէջ, թէ կրակը դիտմամբ
են գցում մեր պատուելի վաճառա-
կանները, ստիպում են մեր տե-
ղական ամբողջ մամուլը խօսել
հրդեհներին առաջն առնելու մի-
ջոցների վրա:

«Մշակը» վաղուց է արդէն ա-
ռաջարկել էր, որ կրակի դէմ ա-
պահովութեան ընկերութիւնների
ազնւոյնները ապահովացնէին մեր
վաճառականների ապրանքները
միայն այն ժամանակ, երբ վաճա-

ռականը գտնէ հինգ տարի ա-
ռուսուր է արել և հինգ տարվայ
նրա առևտրի շրջական կապիտա-
լի միջին գումարը յայտնի է ար-
դէն. բացի սորանից մենք առա-
ջարկեցինք որ արգելիլ ապահո-
վացնել այն վաճառականի ապ-
րանքները, որ առևտրական կա-
նոնաւոր մատենաներ չունի:

Ուստ «ՍժՅՈՐԵ» լրագիրը այժմ
գրեթէ նոյն է առաջարկում, այն
է որ բացի կրակի դէմ ապահովու-
թեան ընկերութիւնների ազնւո-
յններից, բաղադրային վարչութեան
ներկայացուցիչներն էլ գնահատէին
ապրանքների արժողութիւնը:

Այդ բոլոր միջոցները, իսկա-
պէս, պէտք է գործ դրվէին և
այն ժամանակ, երբ հրդեհները
այդքան յաճախ չէին կրկնվում
և այդքան սպառնալի չէին: Բայց
ինչպէս միշտ, մենք այն ժամանակ
խիստ և ազդու միջոցների վրա
ենք մոռնում, երբ վտանգը ար-
դէն մեծ է...

Իսկ այժմ, հազիւ թէ այդ սո-
վորական և օրինաւոր միջոցներն
էլ կարող են օգնել, երբ հրդեհ-
ները մեզ մօտ դառնում են մի
տեսակ վարակիչ հիւանդու-
թիւն...

Վարակիչ, տարափոխիկ հիւան-
դութիւնների ժամանակ, առհա-
սարակ, այսինքն այն ժամանակ,
երբ վտանգը մեծ և սպառնալի
է, գործ են դրվում արտակարգ
միջոցներ...

Այդ պատճառով այժմ ցան-
կալի է, որ կառավարութիւնը
առհասարակ արգելի մեզ մօտ
խանութների մէջ ապրանքների
կրակի դէմ ապահովացնելը:

Եւ այն ժամանակ, կը տես-
նէք որ մեր բոլոր յարգելի վա-
ճառականները շատ զգոյշ կը
դառնան և հրդեհները այնուհե-
տե էլ չեն պատահի:

Գ. Ա.

ՆԵՐՔԻՆ ՏԵՍՈՒԹԻՒՆ

ՆԱՍԱԿ ՇՈՒՇՈՒՑ

26 փետրվարի

«Մշակ» լրագիրը կարգաւորվ Վասպուրականում
եղած սովի մասի, պարտաւորութիւն համարեցինք
օգնել ըստ կարեաց մեր սովատանջ եղբայր, և
բացիք ստորագրութիւն, Մի քանի օրվան մէջ
հաւաքվեցաւ երկու հարիւր յիսուն և վեց ռուբլի
քսան կոպէկ, որից գուրս գալով փոստի ծախք
2 ռ. 20 կ., մնացեալն, երկու հարիւր յիսուն
և չորս ռուբլ ուղարկելով ձեզ, կը խնդրենք խո-
նարհարար հասցնել ուր հարկն է: Նոյնպէս խնդ-
րենք հրատարակել նուիրատուաց անունները:

Մ. Իւզրայեանց 2 ռ., Հ. Վալամեանց Ա. 2 ռ., Մու-
սայեանց 1 ռ., Մ. Լազարեան 1 ռ., Ն. Տէր-Մկրտ-
չեանց 1 ռ., Բ. Ղուկաս 1 ռ., Ս. Մկրտչեան 1
ռ., Յ. Ղոնդաշեանց 1 ռ., Մ. Կետակեան 2
ռ., Ն. Օսանեան 1 ռ., Ա. Մկրտչեան 1 ռ., Բ.
Յունեան 1 ռ., Բ. Յովհաննէսեան 1 ռ., Հ. Բա-
րուկեան 1 ռ., Յ. Ներսէսեան 1 ռ., Յ. Սարգ-
սեան 1 ռ., Մ-Տի Դանիէլեան 1 ռ., Կ. Դաւ-
թեան 1 ռ., Գ. Տէր-Խաչատրեան 1 ռ., Ս. Գաս-
պարեան 1 ռ., Հ. Գարանեան 1 ռ., Ա. Առաքե-
լեան 1 ռ., Յ. Գեորգեան 1 ռ., Ե. Սարգսեան 1
ռ., Մ. Առտաւան 1 ռ., Ս. Ալեքսանեան 50 կ.,
Կ. Աղաբէկեան 50 կ., Ա. Տէր-Մրտչեան 1 ռ., Ի.
Տէր-Խաչատրեան 1 ռ., Գ. Տէր-Գրիգորեան 1 ռ.,
Մ. Մ. Մարիեան 1 ռ., Մ. Դանիէլեան 1 ռ.,
Գ. Ղարաբէկեան 50 կ., Ս. Ստեփանեան 50 կ.,
Յ. Պողոսեան 50 կ., Ա. Առաքելեան 1 ռ., Բ.

— Ինչ բան, հարցնեց աղջիկը նոյնպէս միգր
ձայնով:

— Յետոյ կը տամ, բայց ոչ դե պէտք է չը
տեսնէ...

Լաւան կրկին ծայտաւ և հեռացաւ:

Վարդանը քսան և հինգ տարեկան երիտասարդ
էր, բարձրահասակ, ամուր կազմուածքով և դէպքի
խոշոր գծագրութեամբ, որ չէր կարելի տեսնել թէ
գեղեցիկ էր: Նրա մեծ, սևօրակ աչքերը աւելի
աւազակային արտայայտութիւն ունէին, իսկ փոքր
ինչ ուսած շրթուները վրա միշտ կարելի էր նշա-
րել մի դառն հեղուկութիւն: Նրա շարժումները հա-
մարձակութիւնը և ճարպկութիւնները գործի մէջ
խառնեց ցոյց էին տալիս մի չափազանց մարմնա-
կան ուժ: Իսկապէս որոտեղացի էր նա, կամ ինչ
տեսակ անցեալ էր ունեցել—այս կողմերում ոչ
դե չը գիտէր: Միայն նրա մարմնը խառնուած էին
չափաւ բանի, որ լաւ վիճակով էին տալիս նրա
կարելի մասին: Նրան համարում էին մի զթօկից
փախած մարդ, որ կենցիկի ամեն միջին խորե-
րում մտել ու դուրս էր եկել: Մի ժամանակ նա
մի վաճառում էր եղել, որպէս սարկաւազ և միա-
բան, մի ժամանակ վաճառեց էր եղել, բայց
թէ ինչ պատճառով թողեց վաճառ և դպրոցը,
— յայտնի չէր: Միայն նրա վաճառքին և դպրոցա-
կան կենցիկից պատմվում էին այնպիսի անկողո-
տներ, որ յատկանիշ էին մի տարապալման բնա-
ւորութեան:

Բայց ինչ որ ճշմարիտ էր, այն էր, որ Վարդա-
նը յայտնի էր այս կողմերում, որպէս մի նշանա-
ւոր մաքսաւառչ (կանտարաւաղիտա): Նա ու-
նէր այդ պարագայներին յարմար բոլոր պայմա-
նները արիւթիւն, ճարպկութիւն և սատանայական
խելք: Մշտապէս վտանգների և արկածների հետ
պատերազմելով, նա սեպականներ էր լրան երկա-
թի հաստաւորութիւն անհրկիւղ քաջարտու-
թեան հետ:

Կար մի ուրիշ բան ևս: Ոչ միայն թօմաս էֆէն-
դին Վարդանին խնայ թէ համարում, բայց, թէ
Օ... գիւղում և թէ նրա շրջակայքում նա ճանաչ-
ված էր մականունով «Բեհն թէ»: Ինչ բանի մէջ
էր նրա խնայութիւնը: Վարդանը յիմար տղա
չէր. նա շատ կարողացել էր, նա շատ բարձրակող-
մանի դիտութիւններ ունէր: Նա բաւական ճանա-

Խ Ե Ն Թ Ը

ԱՐԿԱՇՆԵՐ ՎԵՐՋԻՆ ՌՈՒՍՈՒԹՈՐԻԲԱԿԱՆ
ՊԱՏԵՐԱԶՄԻԹ ՀԱՅԱՍՏԱՆԻՍ

Ժ.Գ.

Թօմաս էֆէնդին դեռ մի քանի օր մնալու էր
ծերունի խաչօր տանը, նա իր գործերը Օ... գիւ-
ղում բոլորովին չէր վերջացրել:

Ծերունի խաչօր տանը ամեն տարի մի քանի
անգամ յայտնվում էր մի ուրիշ հիւր եւ. դա մի
երիտասարդ էր Արարատայ գաւառից, որ գնում
էր խաչօր ուխտներ, եղներ, բուրթ, պանիր,
խաչ և տանում էր Ալեքսանդրապոլի կամ Երևանի
կողմերում ծախելու: Իսկ փոխարէնը նա բերում
էր այնպիսի վաճառքներ, որ այս կողմերում չը
կային, օրինակ, հազուադէպ համար դանդաղ տե-
սակ գործուածներ, չիթ, կտաւ, մահուց, թէյ,
շաքար, կոֆէ և այլ դանդաղ մանրուածքներ: Բա-
ղաւանդից հեռու գտնված գիւղերի համար, որպէս
էր Օ... գիւղը, մեծ վարկութիւն ունեն այս-
տեսակ մանր վաճառականները: Նրանք տալիս
են գիւղացուն այն, ինչ որ պէտք է նրա համար,
և փոխարէնը առնում են այն, ինչ որ գիւղացին
խնդրէ: Իսկ տանը տանելու և վաճառելու հա-
մար շատ արգելքներ ունի, մանաւանդ մի այն-
պիսի երկրում, ուր քարվանի բանակ ճանապարհ-
ներ չը կային, և աւաղակների երկիւղից յարաբե-
րութիւնները համարեա կտրված էին:

Ամեն անգամ, երբ յայտնվում էր այդ երիտա-
սարդը, մեծ ուրախութիւն էր պատճառում ծն-
րունի խաչօր տանը: Նա այն աստիճան ընտա-
նեցած էր, որ բոլորը վարվում էին նրա հետ,
որպէս իրանց գերդաստանի անդամներից մէկի
հետ: Մտնելով Օ... գիւղը, նա իր փոքրիկ զար-
վանը, որ բաղկացած էր մի բանի բեռնակիր զար-
բաւաններից, ուղիղ քշում էր դէպի ծերունու

տունը, բեռները ցած էր բերում և այնտեղ շա-
րախներով մնում էր, մինչև իր առևտուրը
վերջացնելով, կրկին ճանապարհ էր ընկնում:

Թօմաս էֆէնդու գալուց մի օր յետոյ յայտն-
վեցաւ երիտասարդը. նա հանդիպեց կապալա-
ռուին խաչօր տան դռանը, երբ իր բեռները ցած
էր բերում ձիաներից:

— Ա՛, դու այստեղ ես, ասաց երիտասարդը մօ-
տենալով էֆէնդուն, և անդալար երեսը խաչա-
կիցքով: — Ա՛խ, սատանայի երես տեսայ, էլ
այս անգամ իմ գործը չի յաջողվի... յանուն Հօր
և Որդւոյ...

Էֆէնդին խիստ անօրոգիով ծիծաղելով, բըռ-
նեց երիտասարդի ձեռքը, և ուղիղ նրա երեսին
նայելով, ասաց.

— Խնայե՛ք, խնայե՛ք, ես հազար անգամ ասել
եմ, որ դու խնայե՛ք ես: — Լաւ, դու այն ասա՛,
եւս երբեք ես ինձ համար:

— Մի քիչ դանդաւար եմ բերել, որ խնայ, և
այդ խնդը գիւղացիները քո ձեռքից աղաւթնել,
պատասխանեց երիտասարդը նոյնպէս ծիծաղե-
լով:

Այնտեղ հաւաքված էին մի քանի գիւղացիներ,
որոնք օգնում էին երիտասարդին բեռները ձիերից
ցած բերելով և ներս տանելով: Էֆէնդին նկատեց,
որ անպատշաճ էր խնայի հետ գիւղացիների
առջև այստեսակ կատակներ անել, չուտով հե-
ռացաւ, ասելով, որ գիւղումը գործեր ունի, և
աւելացրեց, թէ ճաշը միասին կուտեն:

— Բեզ հետ հաց ուտելը մեղք է, ասաց նրան
երիտասարդը:

— Ախար է՛յի պղծը ոչ կերկարի և ոչ էլ կը
կարճանայ,— քո խնայն էլ այդպէս է, պատաս-
խանեց կապալառուին: — Է՛լ չին յրուսաղէմ էլ տա-
նես, էլի է՛լ կը մնայ, երբեք մուղղուսի չի դառ-
նայ, աւելացրեց նա:

— Ա՛խ, երբ որ դու սկսեցիր քո էշավարի ա-
ռակները, էլ վերջ չը կայ, ասաց երիտասարդը և
երեսը շուռ տուեց:

Էֆէնդին հեռացաւ:
Արդէն ծերունի խաչօր տան մէջ մեծից մինչև
փոքրը լսել էին, որ Վարդանը եկել է—այսպէս
էր երիտասարդի անունը,— և անհամբերութեամբ
սպասում էին, մինչև նա իր բեռները կը բաց

անէր: Ա՛յ ասես նրան մի բան չէր պատուիրել
բերելու իր համար: Նա բեռները տարաւ և դար-
սեց տան սրահի մէջ, և ահա վրաթափվեցաւ խա-
չօր տան ամբողջ բանակը: Մէկը հարցնում էր,
գրեցիք իմ պատուիրած կօշիկները: — Բա, ուր
հարցնում էր. գրեցիք իմ պատուիրած գլխար-
կը—մի խօսքով, ամեն կողմից մի ձայն էր լսվում,
և ամեն կողմից պահանջումներ էին անում, և
մինչև անգամ փոքրիկ երեխաներն, նրա փէշերից
բռնած, զանազան բաներ էին պահանջում և հան-
գստութիւն չէին տալիս:

— Բերել եմ, բերել եմ, պատասխանում էր երի-
տասարդը,— ամենիդ ուզածը բերել եմ:

— Դէ տուր, դէ տուր, ձայն էին տալիս ամեն
կողմից:

— Տօ սատանի լսկոտներ, ասում էր երիտա-
սարդը,— թողէք մի հանգստանա՛մ, յետոյ բեռներս
բաց կանեմ, ինչ որ ուզում էք, կը տամ:

— Հիմայ, հիմայ, կրկնում էին ամեն կողմից:
Տանեցիկ այնքան սովորել էին Վարդանին, որ
այլ ևս ուշադրութիւն չը դարձրին նրա վրա, և
սկսեցին իրանք բաց անել հակերը: Երբ կապերը
և փաթեթները արձակեցին, այնուհետեւ բոլորը
վրաթափված, սկսեցին խելել պահանջած ի-
րեղենները: Երիտասարդը հեռու կանգնած, բա-
րեւրտութեամբ նայում էր նրանց ուրախութեան
վրա, և ծիծաղելով ասում էր.

— Ա՛յ, ձեր տունը չը քանդվի, քրդերն էլ այդ-
պէս չեն թաղանում վաճառականի ապրանքնե-
րը:

Բայց միայն մէկը, որ մօտ չեկաւ նրա հակե-
րին, դա Ստեփանիկը կամ այժման Լաւան էր:
Նա հեռու կանգնած, նայում էր և երբեմն ծրու-
տում էր: Երիտասարդը մօտեցաւ նրան և հարց-
րեց.

— Դու ինչու մի բան չես վեր առնում:

— Ինչ վեր առնեմ... պատասխանեց նա կարմ-
րելով:

Եւ իրաւ, ինչ վեր առնէր նա: Նրա կեղծ
ծայտեալ տղայութիւնը վաղուց արդէն ձանձրա-
ցրել էր նրան, իսկ աղջկայ պատկանող մի բան
նա վեր առնել կարող չէր: Վարդանը հասկացաւ
նրա միտքը և հազիւ լսելի ձայնով ասաց.

— Ես քեզ համար մի լաւ բան եմ բերել: